

ՌԱՀՀԿ ԱՄՍԱԿԱՆ ԼՐԱՏՈՒ

6

Հունիս 2010



Ռազմավարական և ազգային հետազոտությունների հայկական կենտրոն

Լույս տեսավ ՌԱՀՀԿ լրատուի վեցերորդ համարը
Ռազմավարական և ազգային հետազոտությունների հայկական կենտրոնը (ՌԱՀՀԿ) հունվարին մեկնարկ տվեց նոր ամսական լրատուների շարքի: Այժմ հրատարակի վրա է ՌԱՀՀԿ լրատուի հերթական համարը, որը համառոտակի ներկայացնում է 2010թ. հունիսին մեր իրականացրած գործունեությունը և ծրագրերը:

տնօրեն Ռիչարդ Կիրակոսյանը: Նրանք նաև գրուցեցին մի շարք դեպքերի և այլ պաշտոնյաների հետ:

ՌԱՀՀԿ-ն մասնակցեց Եվրախորհրդարանի «Հայաստանի օրվա» միջոցառմանը



Եվրախորհրդարանի «Ազատականների և ժողովրդավարների դաշնություն հանուն Եվրոպայի»

խմբակցության հրավերով հունիսի 9-ին Բրյուսելում ՌԱՀՀԿ տնօրեն Ռիչարդ Կիրակոսյանը մասնակցեց և գլխավոր զեկույց ներկայացրեց այս խմբակցության կազմակերպած «Հայաստանի օր» միջոցառմանը:

ՌԱՀՀԿ-ը տեղեկություններ տրամադրեց Լեհաստանի ազգային անվտանգության խորհրդին



Հունիսի 17-ին Կենտրոնը հյուրընկալեց Լեհաստանի ազգային անվտանգության խորհրդից երկու պաշտոնյաների՝ Լուկաշ Կուդլիցկիին և Կոնրադ Չասթովտին և նրանց տեղեկություններ տրամադրեց Հայաստանում և տարածաշրջանում վերջին զարգացումների վերաբերյալ:

ՌԱՀՀԿ-ի գործունեությունը և ծրագրերը

ՌԱՀՀԿ-ը տեղեկություն տրամադրեց «NATIONAL ENDOWMENT FOR DEMOCRACY» հասարակական կազմակերպությանը



«NATIONAL ENDOWMENT FOR DEMOCRACY» (NED) հասարակական կազմակերպության՝ Վաշինգտոնում գտնվող կենտրոնական գրասենյակի պաշտոնյաների խնդրանքով ՌԱՀՀԿ տնօրեն Ռիչարդ Կիրակոսյանն այս կազմակերպության՝ Հայաստան այցելած անձնակազմին տեղեկություններ տրամադրեց տարածաշրջանում վերջին զարգացումների ու միտումների, այդ թվում՝ քաղաքական և տնտեսական բարեփոխումների ու դարաբաղյան հակամարտության վերաբերյալ:

ՌԱՀՀԿ հիմնադիրը և անձնակազմի անդամները մասնակցեցին Իտալիայի դեսպանատան ընդունելությանը



Իտալիայի ազգային օրվա կապակցությամբ հունիսի 2-ին Իտալիայի դեսպանատանը կազմակերպված ընդունելությանը մասնակցեցին ՌԱՀՀԿ հիմնադիր Բաֆֆի Կ. Հովհաննիսյանը և

ՌԱՀՀԿ-ը հյուրընկալեց թուրք լրագրողների պատվիրակությանը



Հունիսի 23-ին Կենտրոնը հյուրընկալեց մի խումբ թուրք լրագրողների, ովքեր Հայաստանում էին Ստամբուլի «Հրանտ Դիմք» հիմնադրամի կազմակերպած ծրագրի շրջանակներում: Հանդիպման ընթացքում ՌԱՀՀԿ անձնակազմը եւ պրակտիկանտները նաեւ իրենց տեսակետները ներկայացրին Հայոց ցեղասպանության եւ հայ-թուրքական դիվանագիտության վերաբերյալ:



ՌԱՀՀԿ-ի սեմինարը գնահատեց Թուրքիայի եւ Ադրբեջանի պաշտպանական բարեփոխումները




Հունիսի 16-ին Կենտրոնն անցկացրեց կլոր սեղանի քննարկում՝ կիզակետում ունենալով տարածաշրջանային անվտանգությունը, ինչպես նաեւ Թուրքիայի եւ Ադրբեջանի պաշտպանական բարեփոխումները: Միջոցառմանը զեկույցներով հանդես եկան ՀՀ նախագահի աշխատակազմի Քաղաքական հետազոտությունների ինստիտուտի փորձագետ Լեւոն Հովսեփյանը եւ ՌԱՀՀԿ տնօրեն Ռիչարդ Կիրակոսյանը:

ՌԱՀՀԿ-ը անցկացրեց նոր գրքի շնորհանդես



Հունիսի 24-ին ՌԱՀՀԿ-ում տեղի ունեցավ Կենտրոնի ավագ փորձագետ Մանվել Սարգսյանի հեղինակած՝ «Լեռնային Ղարաբաղ. Պատերազմ եւ քաղաքականություն (1990-93թթ.)» գրքի շնորհանդեսը:

ՌԱՀՀԿ տնօրենը դասախոսեց Բրյուսովի համալսարանում



Հունիսի 24-ին ՌԱՀՀԿ տնօրեն Ռիչարդ Կիրակոսյանը «ԱՄՆ-ի քաղաքականությունը Հարավային Կովկասում» թեմայով դասախոսություն կարդաց Բրյուսովի համալսարանի ուսանողների համար: Կենտրոնը սերտորեն համագործակցում է վերոնշյալ համալսարանի, ինչպես նաեւ Երեւանի պետական համալսարանի հետ եւ ուսանողների համար պարբերաբար անցկացնում դասախոսություններ, աշխատանքային սեմինարներ ու պարապմունքներ:

ՌԱՀՀԿ-ը անցկացրեց աշխատանքային քննարկում՝ նվիրված դիպաշարի ծրագրավորմանը



Հունիսի 25-ին եւ 29-ին Կենտրոնն անցկացրեց դիպաշարի ծրագրավորմանը նվիրված երկու աշխատանքային սեմինար, որոնց ընթացքում ներկայացվեց այս հարցի շուրջ վերլուծաբան Սարգիս Հարությունյանի եւ ՌԱՀՀԿ տնօրեն Ռիչարդ Կիրակոսյանի պատրաստած զեկույցը: Աշխատանքային քննարկման կիզակետում էին Ճգնաժամային պատրաստվածությունը եւ կառավարումը, որը ներառեց ճգնաժամային պատրաստվածության ու կառավարման մեջ երկարատեւ միտումներին նվիրված վերլուծություններ:

Կենտրոնն անցկացրեց տարածաշրջանային զարգացումներին նվիրված քննարկում՝ առանց հղումների



Հունիսի 30-ին ՌԱՀՀԿ տնօրենը Հայաստանում հավատարմագրված դիվանագիտական անձնակազմի եւ միջազգային կազմակերպությունների ներկայացուցիչների մասնակցությամբ անցկացրեց առանց հղումների քննարկում՝ նվիրված Հայաստանում եւ տարածաշրջանում ներկայում ընթացող զարգացումներին: Անասկան քննարկումների շարքից այս հինգերորդով ՌԱՀՀԿ-ը Հայաստանում գործունեություն ծավալող միջազգային կազմակերպություններին եւ դիվանագիտական առաքելություններին տրամադրում է Հայաստանի քաղաքական, տնտեսական եւ անվտանգության հարցերի վերլուծությունների ու տեղեկատվության անկախ աղբյուր:

ՌԱՀՀԿ հիմնադիր Բաֆֆի Կ. Հովհաննիսյան՝ «Ամեն ինչին իր ժամանակը. Թուրքիան, Իսրայելը եւ ճշմարտության պահը»



Հունիսի 11-ին հրապարակված՝ «Ամեն ինչին իր ժամանակը. Թուրքիան, Իսրայելը եւ ճշմարտության պահը» վեբտառույթյամբ հողվածում ՌԱՀՀԿ հիմնադիր Բաֆֆի Կ. Հովհաննիսյանը խորաթափանց վերլուծություն կատարեց Թուրքիայի շուրջ վերջին զարգացումների վերաբերյալ: Այս աշխատությունը լայնորեն հրապարակվեց անգլերեն եւ հայերեն, իսկ դրա անգլերեն տարբերակը նաեւ լույս տեսավ մի շարք առաջատար միջազգային լրատվական աղբյուրներում՝

- Washington Times (ԱՄՆ)
- Jerusalem Post (Իսրայել)
- Foreign Policy Journal (ԱՄՆ)
- Europe's World (Եվրոպա)
- Radikal (Թուրքիա)

ՉԼՄ-ների հետ հարաբերությունները



ՌԱՀՀԿ-ը զգուշացրեց Հայաստանում քաղաքացիական ազատությունների հանդեպ ոտնձգություններից



Հունիսի 1-ին տարածված եւ «Armenia Today» լրատվական գործակալության կողմից հրապարակված հայտարարության մեջ ՌԱՀՀԿ-ը զգուշացրեց Հայաստանում քաղաքացիական ազատությունների հանդեպ աստիճանաբար սաստկացող սպառնալիքների մասին:

ՌԱՀՀԿ անձնակազմը բազմաթիվ հարցազրույցներ տվեց եւ վերլուծեց վերջին զարգացումները

ՌԱՀՀԿ անձնակազմի մի շարք անդամներ՝ ավագ փորձագետ Մանվել Սարգսյանը, տնօրեն Ռիչարդ Կիրակոսյանը եւ վարչական տնօրեն Կարապետ Կալենյանը տարբեր ՉԼՄ-ների համար բազմաթիվ հարցազրույցներ տվեցին եւ վերլուծեցին վերջին զարգացումները:

ՌԱՀՀԿ փորձագետը հարցազրույց տվեց ռուսաստանյան լրատվական գործակալությանը

Кавказский Узел

Հունիսի 26-ին «Կավկասկի ուզել» («Կովկասյան հանգույց») ռուսալեզու էլեկտրոնային լրատվական գործակալությունը հարցազրույց ունեցավ ՌԱՀՀԿ ավագ փորձագետ Հովսեփ Խուրշուդյանի հետ: Այդ նյութը հասանելի է հետեւյալ հասցեով՝ www.kavkaz-uzel.ru/articles/170745/:

Իսկ Խուրշուդյանի՝ «Նոր թուրքեր են հարկավոր, որպեսզի ձեռք բերվի նոր Թուրքիա» վերտառույթյամբ անգլերեն նախորդ վերլուծականը նույնպես վերատպվեց AtlanticCommunity.org կայքէջում: Այդ նյութը հասանելի է հետեւյալ հասցեով՝ www.atlantic-community.org/index/articles/view/New_Turks_Are_Needed_to_Achieve_a_New_Turkey

Կենտրոնի առաջիկա միջոցառումները

Ադրբեջանի ռազմական ուժերի վերաբերյալ հատուկ քննարկում



Ադրբեջանի ռազմական ուժերի ներկայիս իրավիճակի վերաբերյալ առաջին անաչառ վերլուծությունը տրամադրելու, ինչպես նաև տարածաշրջանում պատերազմի սպառնալիքը գնահատելու նպատակով հուլիսի 6-ին Կենտրոնը կանցկացնի հատուկ քննարկում, որի ընթացքում Ռ-ԱՀՀԿ-ում պրակտիկա անցնող երիտասարդները, տեղական համալսարանի ուսանողներ, երիտասարդ ակտիվականներ եւ քաղաքացիական այլ խմբեր:

Ղարաբաղին նվիրված քննարկում



Ղարաբաղի վերջին զարգացումների, այդ թվում՝ խորհրդարանական ընտրությունների, խաղաղ բանակցային գործընթացի եւ Ադրբեջանի կողմից սանձազերծված վերջին հարձակումների լույսի ներքո հուլիսի 7-ին Կենտրոնը կանցկացնի հատուկ քննարկում՝ նվիրված Ղարաբաղին,

որի ընթացքում Ռ-ԱՀՀԿ ավագ փորձագետ Մանվել Մարգարյանը եւ Ռ-ԱՀՀԿ տնօրեն Ռ-Իչարդ Կիրակոսյանը հանդես կգան վերջին զարգացումների վերաբերյալ թարմ վերլուծություններով:

Աշխատանքային սեմինար քաղաքական տեխնոլոգիաների մասին

Ռ-ԱՀՀԿ-ը հուլիսի 9-ին կանցկացնի ուսանողների եւ երիտասարդ ակտիվականների հատուկ աշխատանքային սեմինար, որի ընթացքում կքննարկվի երկու հարց. ա) ինչպես կիրառել տեխնոլոգիան սոցիալական ցանցերի համար, եւ բ) հայաստանյան քաղաքականության մեջ եւ քարոզարշավներում «քաղաքական տեխնոլոգիաների» օգտագործման վերլուծությունները:

Աշխատանքային սեմինար՝ նվիրված հետազոտություններին եւ գրելու հմտությանը

Հուլիսի 13-ին Կենտրոնը կանցկացնի ուսանողների եւ երիտասարդ ակտիվականների համար աշխատանքային հատուկ սեմինար՝ նվիրված հետազոտություններին եւ գրելու հմտությանը: Մասնակիցների թվում կլինեն Ռ-ԱՀՀԿ-ում պրակտիկա անցնող երիտասարդները, տեղական համալսարանի ուսանողներ, երիտասարդ ակտիվականներ եւ քաղաքացիական այլ խմբեր:



Հավելյալ տեղեկություն մեր մասին

Ռ-Ազմավարական եւ ազգային հետազոտությունների հայկական կենտրոնը 1994թ. հիմնադրել է ՀՀ առաջին արտգործնախարար Բաֆֆի Կ. Հովհաննիսյանը՝ արժանանալով հայաստանյան եւ Սփյուռքի աջակիցների լայն շրջանակների զորակցությամբ: Հետեւելով համաշխարհային զարգացումներին, գիտելիքների հիմքեր խարսխելով, հանրության հետ երկխոսություն ծավալելով՝ Կենտրոնը հետխորհրդային տիրույթում հանդես է գալիս որպես երկրաքաղաքական ստեղծագործական մտածողություն ձեւավորող եւ միջազգային միջավայրի համապարփակ ընկալմանը նպաստող ուժ: Վերջին շրջանում Կենտրոնն առաջնահերթ տեղ է հատկացնում տարածաշրջանային անվտանգության ու համագործակցության, քաղաքացիական կրթության, պետության եւ ազգի համար վճռորոշ՝ ներքին ու արտաքին քաղաքականությունների կիրառական հետազոտությանը:

Լրացուցիչ տեղեկությունների համար կարող եք դիմել Ռ-ԱՀՀԿ՝ Երեւան, Երզնկյան 75, հեռախոս՝ (37410) 528-780 կամ 274-818, հեռապատճեն՝ (37410) 52-48-46, էլ. փոստ՝ root@acnis.am եւ info@acnis.am, կայքէջ՝ www.acnis.am: